



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginæ
oraculis, & Sacr. ...

Monacellus, Franciscus

Venetiis, 1707

Litteræ provisionalis suppressionis Beneficii. Form. XIV.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

Et sub hac præcisa formula fuerunt expeditæ aliæ deputationes in personam ejusdem Cardinalis, usque ad numerum undecimum, pro Visitatione aliorum locorum piorum celebriorum dictæ Urbis, quas ipse complevit.

Visitatores autem quicumque sint, si-

vè Ordinarii, sive Apostolici, ut fructum reportent, Deum præ oculis habere debent, gloriam ejus, & salutem Animarum ejusque auxilium in aperi- tione Visitationis sincero corde implorare sequenti Oratione privatim dicenda.

ORATIO.

OMnipotens sempiternæ Deus, cui omnia manifesta sunt: & corda bonorum patent, qui populum tuum Israel visitare voluisti, præsta quaesumus pro tua ineffabili pietate mihi indigno famulo tuo in injunctæ Visitationis Officio auxilium gratiæ tuæ, ut opus, quod aggredior Spiritu Sancto cooperante, & intercedente Sanctissima Maria Virgine, & omnibus Sanctis ad salutem Univer- sorum, tam Clericorum, quàm laicorum, Ecclesiarum, locorumque piorum conser- vationem, fidei Orthodoxæ propagationem, & exaltationem, & ad laudem, & gloriam tuam dirigatur. Per Dominum nostrum &c.

Suppressionis præbendarum, seu Beneficiorum.

FORMULA XIV.

EX Supernæ dispositionis arbitrio, Curia hujus Ecclesiæ N. Præsidentes, inter varias animi sollicitudines, quæ ex Pastoralis officii ministerio Nobis incumbunt, illam à nobis potissime amplectendam putamus, per quam Divinum servitium detrimentum non patitur. Cum igitur in actuali visita- tione nostræ Cathedralis, inveneribus Præbendas Canonicales adeo tenues, ut simul cum distributionibus quotidianis pro sustinendo decenti Canonico- rum gradu, attenta Civitatis, & personarum qualitate, minimè sufficiant: redditusque Præbendarum hujusmodi, habito respectu ad quantitatem assigna- tam in primordio erectionis Canoniciatum esse valde diminutos, prout est no- torium, & de se patet: ac etiam constat, tum ex libris introitum Capitu- li, tum ex testibus formiter in nostra Cancellaria præcedenter exhibitis, & respectivè examinatis: Hinc est, quod non modo valentes per unionem, vel suppressionem Beneficiorum simplicium, nec alio modo, diminutioni dicto- rum reddituum providere (ut Choro inservientes congruam suscipiant susten- tationem) auctoritate à jure, & a Sac. Concilio Trident. nobis tributa, ac omni alio meliori modo, & cum consensu nostri Capituli (de quo in actis) causa cognita, numerum Præbendarum Canonicalium hujus nostræ Cathe- dralis N. diminuimus, & ad numerum (quæ Divino cultu celebrando, ac dignitati Ecclesiæ commodè valeat respondere) reducimus, alias verò duas Præbendas Canonicales primò vacaturas supprimimus, & extinguiamus, & pro suppressis, & extinctis (sine præjudicio nunc possidentium) haberi volumus & declaramus; redditusque, & fructus illarum universos, nunc pro tunc, & quando vacare contigerit, Massæ distributionum quotidianarum Capituli, & Ca-

& Canonicorum, servitio Ecclesiæ interessentium, perpetuò assignatus, & applicamus. Et ita in Visitatione providemus hac die &c.

N. Episcopus N.

N. Visitationis Actuarius.

ADNOTATIO.

Ex contentis, & expressis in Formula (quæ superflua non habet) edocetur Episcopus, quod pro validitate suppressionis Præbendarum, quam ipse vigore Concilii Trident. sess. 24. cap. 15. de reformat. facere potest, ut provideatur tenuitati aliarum in Cathedrali, aut Collegiatæ insignis, requiritur. Primò quòd diminutio reddituum (quæ est potissima causa reducendi) consideretur respectu quantitatis assignatæ à principio foundationis, & non sit temporanea. Secundò, quòd diminutio sit talis, ut persona idonea non possit cum illis fructibus decenter vivere, & onera supportare. Tertio, quod non adsint alià Beneficia simplicia, quæ ad hunc effectum uniri, vel supprimi valeant. Quarto, quod diminutio reddituum fuerit legitime probata. Quinto, quod facta aliquarum Præbendarum suppressione, tot aliæ supersint, quæ sufficiant ad divinum cultum peragendum, & dignitatem Ecclesiæ conservandam. Sextò, quod fiat cum consensu Capituli, de quo constare

debet, ut tradunt Garz. de benef. part. 12. cap. 2. n. 172. & 177. Lotter. de re benef. lib. 1. cap. 28. n. 80. & plurib. seqq. Corrad. prax. benef. lib. 2. c. 8. à n. 17. ad 44. Fagnan. in cap. ex parte n. 12. & seqq. de Constit. ubi tamen n. 13. advertit, quod primum requisitum (quod magnifaciant Lotter. & Corrad.) Concilium non requirit, cum non distinguat, an redditus fuerit tenues a principio, an postea diminuti fuerint: & n. 16. tenet, quod concurrentibus aliis requisitis, facultas hæc reducendi competat Episcopo, etiam in casu, quod numerus Canonicorum reperiat auctoritate Apostolica confirmatus.

Animadvertendum autem est, quod licet reductio numeri, & suppressio Præbendarum (requisitis concurrentibus ad formam Concilii) fieri possit ab Episcopo quancumque: nihilominus enunciatur in formula, quod facta fuerit in Visitatione, ad hoc ut actus firmior evadat: quia in Visitatione, Episcopus tanquam melius de Statu Ecclesiæ suæ informatus, præsumitur quod non nisi Canonum sanctione servata procedat, Pac. Jordan. elucubr. lib. 7. tit. 1. num. 2.

Litteræ provisionalis, & testimonialis idoneitatis ad Ordines, pro Regularibus.

FORMULA XV.

NOS infra scripti pro examinandis alumnis juxta Ordinis Constitutiones deputati, cunctis ad quos spectat providere, per presentes testamur, Clericum N. (bonæ frugis) in nostra Religione professum, & in Ordinibus N. exercitatum, coram nobis personaliter constitutum, & probè examinatum, fuisse ad Ordines Sacros idoneum, & habilem repertum: ipsumque propterea, ut ad Episcopum suum Ordinarium dimittatur pro illis suscipiendis dignum reputamus. In quorum &c. Datum &c.

N. N. Sac. Theologiæ professor, & Ordinis Examinator.

N. N. Sac. Theologiæ professor, & Ordinis Examinator.

Z. 2.

Litteræ